

UNIVERZITET U SARAJEVU
STOMATOLOŠKI FAKULTET
SA KLINIKAMA U SARAJEVU

Broj: 01-4-2-5-1/2020
Sarajevo, 29.01.2020.

Na osnovu člana 104. Statuta Univerziteta u Sarajevu

S a z i v a m

254. elektronsku sjednicu Nastavno-naučnog vijeća Stomatološkog fakulteta u Sarajevu koja će se održati dana **29.01.2020.** godine

Za sjednicu predlažem slijedeći

D N E V N I R E D

1. Usvajanje Zapisnika sa 253. sjednice Nastavno-naučnog vijeća održane dana 28.01.2020. godine

IZBORI – KONKURSI

2. Imenovanje Komisije za izbor-napredovanje jednog nastavnika u zvanje vanrednog profesora za oblast Dentalna patologija s endodontijom

JAVNI KONKURS od 17.12.2019. godine

3. Prigovor Dr Abdula Suljovića na Odluku broj:02-1-1-220-55/19 od 13.01.2020. godine



DEKAN

Prof.dr.sc. Muhamed Ajanović

UNIVERZITET U SARAJEVU
STOMATOLOŠKI FAKULTET
SA KLINIKAMA SARAJEVO
Broj:01-4-2-5-2/2020
Sarajevo, 29.01.2020.

Na osnovu odredaba Zakona o visokom obrazovanju (Sl.novine Kantona Sarajevo, broj:33/17) i člana 104. Statuta Univerziteta u Sarajevu, a vezano za Saglasnost Senata Univerziteta u Sarajevu broj: 01-38-17/19 od 23.12.2019. godine i Konkurs objavljen u dnevnom listu "Dnevni avaz" dana 09.01.2020. godine, na sjednici Nastavno naučnog vijeća Stomatološkog fakulteta održanoj dana 29.01.2020. godine, donesena je slijedeća

O D L U K U

I Imenuje se Komisija za pripremanje prijedloga za izbor jednog nastavnika u zvanje vanrednog profesora za naučnu oblast **Dentalna patologija s endodoncijom**, u sastavu:

- Prof.dr Alma Konjhodžić, vanredni profesor, naučna oblast Dentalna patologija s endodoncijom, Stomatološki fakultet Univerziteta u Sarajevu, predsjednik
- Prof.dr Lajla Hasić-Branković, vanredni profesor, naučna oblast Dentalna patologija s endodoncijom, Stomatološki fakultet Univerziteta u Sarajevu, član
- Prof.dr Enes Pašić, vanredni profesor, naučna oblast Oralna medicina i parodontologija, Stomatološki fakultet Univerziteta u Sarajevu, član


II Komisija iz stava I. ove Odluke je obavezna svoj izvještaj sa prijedlogom za izbor dostaviti Nastavno naučnom vijeću Stomatološkog fakulteta sa klinikama u Sarajevu u skladu sa tekstom raspisanog konkursa i Odlukom o imenovanju Komisije u roku od 45 dana od dana isteka roka za podnošenje prijave na konkurs.

Pripremila/obradila i za uskl.sa zakonskim i podzakonskim aktima odgovara:

Mavrić Aida, dipl. upr. org.

Akt kontrolisao: Edisa Lišić, dipl. iur.

Akt odobrio: Prof.dr Mirjana Gojkov-Vukelić



Prof.dr.sc. Muhamed Ajanović

Dostavljeno:

- Komisiji
- Katedra za dentalnu patologiju
- Konkursni materijal
- Dosije NNV-a
- Arhiva

Broj:01-4-2-5-3/2020
Sarajevo, 29.01.2020. godine

Na osnovu člana 104. Statuta Univerziteta u Sarajevu, a vezano za žalbu Suljović Abdula broj: 02-1-1-220-70/19 od 23.01.2020. godine protiv Odluke Dekana broj: 02-1-1-220-55/19 od 13.01.2019. godine, Nastavno naučno vijeće Stomatološkog fakulteta sa klinikama, na sjednici održanoj dana 29.01.2020. godine, usvojilo je slijedeću:

ODLUKU

1. Odbija se žalba Suljović Abdula broj: 02-1-1-220-70/19 od 23.01.2020. godine protiv Odluke Dekana broj: 02-1-1-220-55/19 od 13.01.2019. godine kao neosnovana.
2. Ova Odluka stupa na snagu danom donošenja.

O b r a z l o ž e n j e

Dana 13.01.2020. godine Dekan Stomatološkog fakulteta sa klinikama u Sarajevu donio je Odluku broj: 02-1-1-220-55/19 o izboru kandidata Amile Klančević-Mahmutović na radno mjesto Doktor stomatologije na Klinici za dentalnu patologiju i endodonciju, a po prethodno objavljenom javnom konkursu/oglasu u dnevnom listu „Dnevni avaz“ dana 17.12.2019. godine.

Dana 23.01.2020. godine Suljović Abdul je podnio žalbu protiv navedene Odluke Dekana Stomatološkog fakulteta sa klinikama u kojoj, između ostalog, navodi da se žalba odnosi na postupak odabira kandidata kao i pogrešno, nepotpuno i nepravilno utvrđeno činjenično stanje i pogrešna primjena materijalnog prava te ističe činjenicu da je dijete šchida poginulog borca kao i kandidatkinja koja je izabrana.

Razmatrajući predmetnu žalbu, Nastavno-naučno vijeće utvrdilo je slijedeće činjenice:

Dana 17.12.2019. godine objavljen je javni konkurs/oglas u dnevnom listu „Dnevni avaz“, a po prethodno dobivenim saglasnostima za prijem u radni odnos a slijedeći odredbe Uredbe Vlade Kantona Sarajevo o postupku prijema u radni odnos (Sl. Novine Kantona Sarajevo, broj: 9/19).

Poslije obavljenog pismenog dijela ispita obavljen je intervju sa kandidatima koji su zadovoljili pismeni dio ispita. Dana 10.01.2020.godine konkursna komisija dostavila je Listu uspješnih kandidata Dekanu Fakulteta broj: 02-1-1-220-52/19, u konkretnom slučaju doktor stomatologije na Klinici za dentalnu patologiju i endodonciju, kako slijedi:

1. Amila Klančević-Mahmutović, pismeni ispit: 6 bodova; usmeni ispit: 3 boda; ukupno osvojeni bodovi: 9.

U pogledu žalbenih navoda i svega naprijed navedenog Nastavno-naučno vijeće kao drugostepeni organ utvrdilo je da je žalba imenovanog neosnovana iz slijedećih razloga:

Uvidom u Zapisnik sa sastanka Komisije broj: 02-1-1-220-38/19 od 07.01.2020.godine, utvrđeno je da je kandidat Suljović Abdul na pismenom dijelu ispita osvojio 4 boda od maksimalnih 7 bodova, na usmenom dijelu ispita osvojio je maksimalna 3 boda, što u konačnici iznosi 7 bodova a što predstavlja manji broj bodova od kandidatkinje koja je izabrana.

U tekstu konkursa citiran je član 17. Uredbe u kojem je propisano da kandidati koji smatraju da imaju prednost u prijemu u radni odnos su dužni priložiti odgovarajući dokaz pozivajući se na poseban zakon po kojem imaju prednost.

Pravo prednosti pri zapošljavanju povlašćenih kategorija (demobilisani borci, djeca poginulih boraca, djeca RVI, dobitnika ratnih priznanja i odlikovanja i dr.) je navedeno u članu 17. Uredbe bez preciziranja načina kako će se to pravo konkretno priznati u konkursnoj proceduri.